

VOTA  
SOLUTA,

Cum

VIR

GENEROSUS, PER-MAGNIFICUS,

& Perquam STRENUUS,

DOMINUS,

Dn. REINHOLDUS

WIDERUS,

REIPUBLICÆ GEDANENSIS

PRÆ-CONSUL MERITISSIMUS,

&c. &c.

PRÆSES

Denuò

dignissimus

A. MDCCVII. XVI. Calend. April.

solenniter crearetur,

quos Honores summos

inter cumulos labores

observantissimè

gratulari voluit

ac

debut

JOHANNES ERNESTUS SCHRÖDERUS,

R. S. C.

GEDANI,

Typis JOHANNIS ZACHARIÆ STOLLII.

**S**alve fauste Dies, dexter, prosperrime, salve  
Fortunate Dies, quem mea vota volunt.  
Salve lætè Dies, mirâ dulcedine sensûs  
Demulcens, miserâ qui ratione jacent.  
Salve optate Dies, quò vix optatior alter,  
Quem desiderii candida summa petit.

Te jam mente diu, te præoptavimus ore,  
Quò pateat cultûs officiique modus.

Et Sensûs tandem nostri rata vota videmus,

Quæ quantum placeant, langvida penna tacet.

Hoc modò sollicito pectus quatit usque dolore,

Quòd tristis venâ paupere rivus eat.

**MAGNE VIR**, eximius natalibus inclyte, major

Ingenio magnò, Judicioque gravi.

Urbis Amor nostræ florens, genuina voluptas

Castalidum, Patriæ Gloria, Stirpis Honor.

Quem natalis Humus non tantùm splendida novit;

Sarmatici Regni magna sed Aula colit.

Officium justo cultu perfecimus olim,

Cùm fasces primos Curia nostra daret.

Pro meritis verò nequicquam Musa canebat,

Quæ meritis impar omnibus una fuit.

Insuper ingenium vano petit astra labore,

Dum miserum semper fata sinistra premunt.

Et Clio rursus lucem timuisset apricam,

Ni meritum majus grande timore foret.

Hoc simul innatum felici fine pudorem

Sustulit, invito qui malesvadus obest.

Sollicitudo tamen lacerat præcordia major,

Quòd morbi vexent, quem celebrabò, **VIRUM.**

Hactenus haut paucis pressus cruciatibus æger,

Dum salvum cupiunt, Curia, Tecta, Genus.

Grata valetudo jacturam passa recentem,

Urbs dum tota timens vota sacrata vovet.

Jam

Jam dudum flagras, **VIR MAGNE**, cupidine mortis,  
Cùm vitam voveant Incola, Templà, Tui.  
Erige membra, caput, corpus, frontem erige, mentem  
Erige, **TE** clemens erigat ipse **DEUS**.  
Gratia Cœlestis medicamina prosperet omni  
Effectu, perstet quò rediviva salus.  
Non raros sanet felix medicina dolores,  
Et tollat, quod **TE** conficit, omne malum.  
Accipe jam reduces summos, quos Curia tradit,  
Fasces, quos meritum poscere jure valet.  
Accipe non ægrâ venerandas mente Secures,  
Accipe, virtutes quas meruere Tuæ.  
Concilium **PROCERUM** tantos gratatur Honores,  
Et, meliora optans, fata priora dolet.  
Jubilat Urbs, Vallum, Vicus; Sed júbila mœror  
Imminuit, redeat quin malus ille timor.  
Jam semel imperium nostræ Tibi contigit Urbis,  
Quod quoque transactum non sine laude fuit.  
Deposcunt iterum **TE** Patres, Curia, Cives,  
Ac fatum levius dexteriusve vovent.  
Tunc **TIBI** gratari, nostrarum Gloria rerum,  
Non potui, quoniam cura dolorque vetant.  
Nunc votum nostrum est, ut vires usque labori  
Sufficiant isti, qui mihi gratus erit.  
Non ingrata **TIBI** fuerit, **VIR MAGNE**, voluntas,  
Si non pro meritis laus resonare queat.  
Excelsus **TE** animus, casus æqualis in omnes,  
Et quovis major turbine, ad astra vehit.  
Et tamen es placidus, **TE** vix moderatior alter,  
Cor natura Tibi molle benigna dedit.  
Ingenii felix acies **TE** reddidit amplum,  
Ac animi magnum vivida flamma facit.  
Dexteritate viges mirâ, ferventior igne,  
Cùm res magna manûs auxiliumque cupit.

Innumerâs

Innumeras laudes Probitas maturior auget,  
Inter virtutes eminent ipsa Fides.  
Consilio præstas, generosus pectore, præstas  
Auxilio, TU Spes certa salutis eris.  
TU benè mente malum circumspicis omne sagaci,  
Nec quisquam casus TE latet atque metus.  
Sed quid virtutum conor meminisse tuarum,  
Majores omni quæ TIBI laude manent?  
Atque Virum tantum durissima tempora poscunt,  
Quem celebrem rerum docta magistra probat.  
Sume igitur Fasces, manibus qui jure verendis  
Debentur: TU Urbem jam rege, Tempa, Forum.  
Sit TIBI fortunatus Honos, sit lætus, amœnus!  
Sit felix, iterum qui TIBI summus adest!  
PRÆSIDE TE digno mox ferrea tempora cessent,  
Aurea mox redeant secula, Phœbus agat.  
PRÆSIDE TE blandæ firmetur credula Pacis  
Spes, quæ suspensos hæctenus ægra tenet.  
PRÆSIDE TE fluvii crescant, mare Gaza coronet,  
Floreat & rursus publica ritè Salus.  
PRÆSIDE TE lætæ Aonides & Apollo triumphant,  
Omni justus honos, sitque cuique suum.  
PRÆSIDE TE Charites sibi figant oscula, regnet  
Eusebie, & teneat sceptrâ decora Themis.  
PRÆSIDE TE Titan surgat fulgentior Urbi,  
Atque dies fato candidiore fluant.  
PRÆSIDE TE cives hilares sua júbila fundant,  
Nec plausus unquam dememinisse velint.  
Corporis alma DEI reparet clementia vires,  
Et firmet mentem, consiliumque beet.  
Hos fasces videas in prosperitate verendos  
Sæpius, & laudes sidera celsa petant.

